

SCRIPT OF EVENING GOJRI NEWS BULLETIN 27DEC 2025 1700HRS

ایوننگ گوجری نیوز بولٹن 27 دسمبر 2025

یوہ آکاشوانی جموں ہے عبدالرحمان تے نصرت چودھری تیں خبر سُنو۔

HEADLINES

- ۱۔ وزیر اعظم نریندر مودی پلک آکاشوانی ور اپنا پروگرام من غی بات غے ذریعے ملک تے بیرون ملک غی عوام تیں خطاب کریں گا۔
- ۲۔ لیفٹیننٹ گورنر منوج سنہا نے کہیو کہ شیو کھوڑی واسطے ہیلی کپٹر غی خدمات جلد شروع وے غی کٹرا تے شیو کھوڑی مانہہ ہیلی پیڈ غی تعمیر آخری مرحلہ مانہہ ہے۔
- ۳۔ جموں کشمیر پولیس نے کشمیر غا شوپیاں ضلع مانہہ 3 سرگرم کارکنانہہ پی ایس اے غے تحت حراست مانہہ لے غے جموں جیل مانہہ منتقل کیو ہے۔
- ۴۔ جموں کشمیر پولیس پلک ایکٹا بارے دوڑ جموں میراتھن 2025 غو انعقاد کرے غی۔
- ۵۔ محکمہ موسمیات غے مطابق آئندہ ہفتہ مانہہ مرکزی زیر انتظام غا بکھ بکھ علاقان مانہہ ہلکی برف باری تے بارش غا امکان ہیں۔

PM MKB

وزیر اعظم نریندر مودی مُلک تے بیرون مُلک رہ رہیا بھارتی شہریاں سنگ پلک نانہہ آکاشوانی ور من کی بات پروگرام مانہہ اپنا خیالات سانجہ کریں گامیہ ماہوار ریڈیو پروگرام غی 129 ویں قسط وے غی۔ یوہ پروگرام آکاشوانی، دور درشن، اے آئی آر نیوز ویب سائٹ تے نیوز آن لائن مو بائل ایپ ور نشر تے ٹیلی کا سٹ کیو جائے گو۔ اس تیں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر کیو جائے گو۔ آکاشوانی اس پروگرام غی ہندی نشریات تیں فوراً بعد اس نانہہ علاقائی زبانان مانہہ نشر کرے گو۔

LG HELI SERVICES

جموں کشمیر غا لیفٹیننٹ گورنر منوج سنہا نے اج اعلان کی وے جے پوتر شیو کھوڑی شرانین ور جان آلا یاٹریاں واسطے ہیلی کپٹر سروس جلد شروع کی جے غی کیونجے ضروری بُنیادی ٹھانچہ غی تکمیل آخری مرحلہ مانہہ ہے یوہ علا کٹرہ مانہہ شری ماتا ویشنو دیوی یونیورسٹی غی یارویں کنووکیشن غی تقریب سنگ خطاب غے دوران کیو گیو لیفٹیننٹ گورنر نے دسیو ہے جے کٹرہ تے شیو کھوڑی دواں جگہاں ور ہیلی پیڈ غی تعمیر غو کم تقریباً مکمل ہو چکو ہے جس سنگ طویل عرصہ تیں موقع ہیلی سروس غا شروع ہون مانہہ حائل بڑی رو کاوٹ دور ہو گئی ہیں انہاں نے کہیو جے مجوزہ ہیلی کپٹر رابطہ سروس بزرگ شہریاں تے معزز افراد واسطے بڑی سہولت تے راحت ثابت وے غی انہاں نے مزید اس طرح کہیو۔

OGWs ARRESTED

پولیس نے عوامی تحفظ بارے قانون یعنی پی ایس اے غی دفعات غے تحت وادی کشمیر غا شوپیاں علاقان تیں ترے سرگرم کارکنان مانہہ حراست مانہہ لیو ہے پولیس نے اس گل غی جانکاری سماجی ذرائع ابلاغ ہینڈل ایکس ور دتی ہے پولیس غے مطابق یہ حراست مانہہ لیا گیا افراد یو ٹی غی سلامتی واسطے نق ۲ صان دہ سرگرمیاں مانہہ بار بار ملوث پایا گیا تھا بھارتیہ ناگرک سورکشا سہیتا بی این ایس ایس غی دفعات 126/170 غے تحت ان غے خلاف حفاظتی اقدامات تے کاروائیاں غا آغاز غے باوجود انہاں نے غیر قانونی سرگرمیاں مانہہ ملوث ہونو جاری رکھیو جس سنگ ضلع مانہہ امن و امان واسطے شدید خطرو پیدا ہوو پولیس غے کہنو ہے جے اس غے بعد ان افراد نانہہ اپنی تحویل مانہہ لے غے سنٹرل کیل کوٹ بھلوال جموں پیچ دتو کیو ہے۔

TAX REFORMS

سال 2025 بھارت غی ترقی غا سفر مانہہ ایک اہم تے فیصلہ کُن باب غا طور ور سامنے آيو
 ہے اس سال پالسیاں نے عملی شکل اختیار کی تے ارادہ نتائج مانہہ بدل گیا۔ خصوصی سلسلہ،
 اصلاحات غا سال مانہہ اج ہم 2025 مانہہ بھارت غا ٹیکس نظام مانہہ ہون آلی پیش رفت ور ایک
 رپوٹ پیش کر رہا ہیں۔ گزشتہ 8 براں غے دوران وزیر اعظم نریندر مودی غی حکومت غی جانب
 تیں شروع کی گئی ٹیکس اصلاحات تے 2025 مانہہ مضبوطی تیں آگے بدھائی گئی اصلاحات ،
 ماضی غا نظام تیں ایک واضع تبدیلی نانہہ ظاہر کرے۔ اس تبدیلی غی سب تیں اہم بُنیاد، نوی نسل
 غا جی ایس ٹی اصلاحات ہیں اس سال جی ایس ٹی نظام نانہہ آسان بنا دتو گیو ہے تے اس
 نانہہ 2 بُنیادی شرحاں، 5 فی صد تے 18 فی صد مانہہ تقسیم کر دتو گیو ہے۔ اس غے نال نال سامان
 تے خدمات غی واضع درجہ بندی ، آسان اندراج تے سادہ قوانین ور عمل نانہہ یقینی بنایو گیو
 ہے۔ ٹیکس اصلاحات ور گل بات کرتا واں وزیر اعظم نریندر مودی نے اس طرح کہیو۔

JAMMU MARATHON

جموں کشمیر پولیس پلک اپنا شہری کاروائی غا پروگرام غے تحت گلشن گروئنڈ مانہہ ایکتا بارے
 دوڑ جموں میراتھون 2025 غو انعقاد کرے غی میراتھون مانہہ مفت اندراج ٹی شرٹس پلکا پھلکا
 کھان پین ثقافتی پروگرام تے قرعی اندازی شامل ہیں تمام عہد غا افراد بشمول مرد خواتین جونئیز
 سابقہ فوجی تے بزرگ شہریاں واسطے 10 بکھ بکھ ذمرہ بنایا گیا واں ہیں بکھ بکھ ذمراں مانہہ
 گل 4 لکھ 70 ہزار روپیاں غی انعامی رقم دتی جے غی جس مانہہ اعلی ترین انعامات 50 ہزار
 روپیاں توڑی وینگا شہریاں تیں اپیل کی گئی ہے جے وے اس بڑی کھیڈاں غی تقریب مانہہ شرکت
 کریں تے اس غی حمایت کریں۔

BRIDGE UDH

اگست مانہہ آن آلا اچانک سیلاب غی وجہ تیں کئی مہیناں غی تنہائی تیں بعد دریائے توی ور 5
 کروڑ روپیاں غی لاگت تیں بنن آلا ایک پُل غی منظوری دتی گئی ہے جھیڑو ادھمپور ضلع غا
 سمرولی علاقہ مانہہ واقع بانٹ گراتے اس غے قریب غا 20 دیہاتاں نانہہ دوبارہ تیں جوڑے غو۔
 یوہ پُل اگست غا سیلاب مانہہ بہہ گیوتھو اس بُن غی تعمیر تیں 50 ہزار تیں زیادہ لوکاں نانہہ
 دوبارہ محفوظ آمدرفت تعلیم تے معاشی سرگرمیاں غی سہولت لبے غی مقامی لوکاں نے اس
 ضروری پُل غی منظوری ور ضلع انتظامیہ تے مودی حکومت غو شکر یو ادا کیو آکاشوانی غا
 خیراں آلا شعبہ سگ گل کرتا واں چینی اسمبلی حلقہ گا رُکن اسمبلی بلونت سگھ منکوٹپنہے اس
 طرح کہیو جد کہ ایک مقامی شہری نے اس طرح کہیو۔

RD PROJECT RAJOURI

راجوری اسمبلی حلقہ غا رُکن اسمبلی افتخار احمد نے راجوری حلقہ مانہہ پردھان منتری گرام
 سڑک یوجنا تیں اپر گجرن نانہہ ڈسل گلی توڑی ڈسل جٹاں غے نال جوڑن غا سڑک منصوبہ غو
 افتتاح کیو اس منصوبہ ور تقریباً 50 لکھ روپیہ غی لاگت آئے غی جس سنگ علاقہ مانہہ آمدرفت
 بہتر وے غو تے لوکاں غی معیار زندگی بہتر وے غی منصوبہ گو افتتاح کرتا واں رُکن اسمبلی
 افتخار احمد نے متعلقہ افسراں نانہہ ہدایت دتی کہ کم غا معیار غو خاص خیال رکھیں تے سڑک
 نانہہ جلد تیں جلد مکمل کیو جے تاجے عوام نانہہ فوری فائدو مل سکے اس موقع ور گل کرتا
 واں رُکن اسمبلی نے اس طرح کہیو۔

WEATHER

محکمہ موسمیات غے مطابق جموں کشمیر مانہہ 29 دسمبر توڑی موسم جزوی طور ور ابر آلو رہن
 غا امکان ہیں۔ 30 دسمبر نانہہ گجھ مقامات ور ہلکی بارش تے برف باری ہوسکے جد کہ 31 دسمبر
 تے 1 جنوری نانہہ وی ہلکی بارش تے برف باری غا امکان ہیں ، دوجے پاسے جموں شہر مانہہ
 درجہ حرارت 10 عشاریہ صفر ڈگری سلسیش ریکارڈ کیو گیو، جھیڑو پہلاں 8 عشاریہ 1 ڈگری تھو۔
 جموں ہوائی اڈہ ور درجہ حرارت 10.2 ڈگری سلسیش رہیو جھیڑو جمعرات نانہہ 7.3 ڈگری سلسیش
 تھو۔ بانہال مانہہ درجہ حرارت 3.8 ڈگری ریکاڈ ہوو جھیڑو پہلاں 4.8 ڈگری سلسیش تھو، بٹوت

مانہہ 6.1 ڈگری ربیو جہیڑو پہلاں 4.7 ڈگری تھو۔ بھدرواہ مانہہ درجہ حرارت 2.6 ڈگری سلسیش ہو
گیو جہیڑو پہلاں منفی صفر عشاریہ 3 ڈگری سلسیش تھو۔ رامبن مانہہ درجہ حرارت صفر
عشاریہ 1 ڈگری ریکارڈ ہوو جہیڑو پہلاں 4.2 ڈگری تھو۔ ماہرین موسمیات غے مطابق اگر چہ درجہ
حرارت مانہہ معمولی اضافو ہوو بے لیکن اوچا علاقاں مانہہ رات غے وقت صفر تیں نیچے درجہ
حرارت برقرار رہن غا امکان ہیں۔

ONLINE CLASSES RAMBAN

تعلیم غا تسلسل نانہہ یقینی بنان واسطے محکمہ تعلیم رام بن نے ضلع رام بن غا تعلیمی زون کھیری
مانہہ جہیڑو ایک ترقیاتی بلاک ہے 9 ویں تے 12 ویں جماعت غا طلبہ واسطے آن لائن کلاس
شروع کردی ہیں۔ اس قدم غو مقصد تعلیم نانہہ بغیر کسی رُکاوٹ غے جاری رکھنو تے خاص
طور و دور دراز تے پسماندہ علاقاں مانہہ اساتذہ غی کمی جیسا مسائل نانہہ کھٹ کرنو بے اس
منصوبہ غے تحت طلبہ نانہہ مضمون آن لائی تدریس تے رہنمائی فراہم کی جے غی تانجے تعلیم
غی کمی نانہہ پورو کیو جاسکے اساتذہ نانہہ
ہدایت دتی گئی ہے کہ وہ باقاعدہ کلاس لیں طلبہ نانہہ سوال و جواب مانہہ شامل کریں تے اُن غی
حاضری تے تعلیمی کارکردگی و قریبی تیں نظر رکھیں اس بارے مزید معلومات دیتا واں ڈائٹیٹ
رامبن غا اُستاد شاہ نواز گنی نے اس طرح کہیو۔
